

## Copy

- 1 Aelbrecht *etcetera* doen cont allen luyden dat wij verlyet ende verleent hebben heeren Coenen van Oesterwijck, Willems Cusersz- onsen neve dat ambocht
- 2 van Amstelreeven daer ambochts heere of te wesen schout ende schepenen daer inne te zetten ende te ontsetten mit allen zynen toebehoeren alsoe verre als dat
- 3 Schout ambocht gaet in deser manieren dat her Coen alle bruecken ende vervallen half hebben zal gelijckerwijs als die ambochts heeren in Kenemerlandt
- 4 hebben ende alle boeten die inden ambochte verschijnen van twintich scellinge die zal her Coen alleen hebben voert zoe en zal die bailliu in dit ambocht
- 5 voersseyt- nyet te recht zitten noch gheen bruecken berechten ten zij bij heeren Coenen of bij den ghenen die hij t beveelt. Voert zoe zal her Coen ghever van den kerke
- 6 wesen ende na zynre doot die ghene dair dat ambocht op coemen zal. *Item* en zoe zal heer Coen alle die die zwanen hebben die in den ambochte brueden of
- 7 in den wateren daer hij die wisscherien heeft. Voert zoe zal her Coen hebben alle die renten die hier na gescreven staen. Eerst in t ambocht voirscreven
- 8 die wederbede tot meye acht pondt. *Item* en die zwiinbede tot Jacobj achtien pondt derthien scellingen vier penninghen. *Item* en tot legmair die wederbede tot meye
- 9 sesse ende twintich scellinge acht penninge. Aldaer die zwynbede tot Jacobj sesse ende twintich scellinge acht penninck. Aldair de turfbede. sesse ende twintich
- 10 scellinghe acht penninge. *Item* tot Outewael die zwijnbeede darthien scellinge vier penninge. *Item* die tyns in t schout ambocht van *den* Nuwer Aemstel
- 11 twintich scellinge vier penninge. *Item* die smaelthiende van *den* Ouder Aemstel ende van *den* Nuwer Aemstel te samen thien pondt Dirc Hemgenszoen van den Bancke
- 12 zesse ende twintich stellinge acht penninge. *Item* den coeren thienden van der Nuwer Aemstel zeven pondt thien scellingen. *Item* die bancken meer vijftich
- 13 scellinge. Dit zijn die renten die buten dat ambocht leggen. *Item* die vysscherien van *den* Aemstel acht ende dertich pondt. *Item* dat veer ende vyscherie
- 14 ter meer vier pondt. *Item* dat veer dat leyt by Coelbiers veertich scellinge. Die Wavermeer drie pondt, die Watergraevmeer twintich pont. *Item* Callenlant
- 15 vier pont thien scellinghe. *Item* Willem Trudenzoens lant vier pondt. *Item* Willem Otten zoens landt vijftich scellinge, dat Rauwemeer, dat Jan Bet plach

- 16 te bruken vier pondt tien scellinge. Item die zaet daer Tyman Ghierich op woent mit hoeren toebehoeren achtien pondt. Item dat lant dat Willem Noort Willemssen
- 17 in huerwaer heeft tien pondt. Ende dit voorsseyde ambocht mit allen zynen toebehoeren mitten vysscherien, lant ende renten voorsseyt hebben wij verliet ende
- 18 verliet heeren Coenen onsen neve tot eenen onversterffelycken erfleene van ons ende van onse naecoemelinghen te houden, hij ende zijne nacoemelinghen. Ende
- 19 waert zaicke dat her Coen storve sonder wittachtige zoen na hem te laeten, soe soude dit ambocht met allen zynen toebehoeren als voirsseyt is coemen ende
- 20 erven op Harper Janssen van Foreest die hij by heeren Coenen dochter heeft. Ende waert dat Harper offlivich waer voor her Coenen soe zoudt coemen op Jans
- 21 oudste zoen van Foreest. Ende alle dese renten voirsseyt sal Clemens, vrouwe van Sloten, her Coenen wyf, hebben, die minre helft tot hoere lyftocht. Ende
- 22 dat voersseyde ambocht mit allen zynen toebehoeren als voirsseyt is heeft her Coen tegens ons gecoft om een ende dertich hondert schilde die wij selver lest
- 23 hebben doen slaen. Ende gelien ons betaelt den lesten penninck mitten eersten ende hebben t hem geloeft te waeren als wij schuldich zijn te doen.
- 24 In oirconde desen brieve bezegelt mit onsen zegelen. Ende om die meerre sekerhede hebben wij bevolen ende gebeden onsen lieven zoen van Oestervant dat hij
- 25 desen brief mit ons bezegele. Ende wij Willem van Beyeren bij der genaden Goids grave van Oestervant hebben overmits bevelen ende bede ons liefs heeren
- 26 ende vaders voirsseyt geloeft ende geloeven heeren Coenen voirsseyt ende sijne naecoemelinghen in den ambocht renten goeden ende hoere toebehoeren voirsseyt
- 27 te houden ende te starcken ende te doen houden ende starcken jegens eenen yegelycken, die hem daer in hinderen of deren wilde. Ende hebben deese
- 28 oerconden mit onsen lieven heer ende vader voirsseyt desen brief bezegelt mit onsen zegele. Gegheven tot Haerlem op ten xxv<sup>e</sup> dach van meye in t
- 29 jaer ons Heeren duysent ccc neghen ende tneghentich ende onder stont geteyckent jussu *dominj ducis Albertj presentibus domino de Arckel, domino de Egmond*
- 30 ,, de IJselsteijn, *domino Burchgravo Leyden consiliariis* ende geteyckent Ja. Pt. de Leyden. *Sigillum ex cos...*

32

registre buyten geteyckent mitter *letteren* U folyo

33

CCC xxxix ccc xl ende tegens tselve *registreert*

34

ter orconden vanden luyden vanden rekeninghe

35

in Den Hage gecollationeert ende *accordeert* bij

36

mij

Barthouts ..